

勅脩甘肅通志

第十四册

卷之第二十二

古蹟



甘肅通志卷之第二十二

古蹟

山林藪澤舊宮故壘古人往矣其蹟猶存流風餘韻  
繫人懷想或訪諸樵牧以知軼事或廣稽碑碣以讀  
遺文紀其盛衰資為聞見歷世不嫌久遠考古可以  
證今詳為摭採著之於篇志古蹟

臨洮府

狄道縣

狄道故城

在今府西南史記匈奴傳隴西有翟獯

甘肅通志

卷二十二

古蹟

之戎百官志縣有蠻夷謂之道漢因置狄道縣為

隴西郡治後漢永初五年羌亂詔隴西郡徙治襄

武延光二年還治狄道寰宇記縣在蘭州南一百

九十里晉惠帝時以狄道縣為降狄道也府志有

舊土城俗名番城在縣南一里許東西北三面與

府城濠相連即故城也

安故故城

在府南漢置屬隴西郡武帝元鼎五年

西羌反攻安故圍袍罕城蓋與河州境接也前涼

錄永昌元年張茂分安故郡置定州宋白曰安故



在蘭州南州志縣在隴西郡南四十七里唐時爲安國鎮五代周廣順中自安國鎮至涼州立三州以控扼諸羌三州臨河蘭也按此則寰宇記安國城在五泉縣西南明一統志在蘭州西八十里舊志在今縣西南一百六十里皆悞

武街故城 在府東東晉置晉志惠帝分隴西之武街縣屬狄道郡水經注湓水自白石山又西北經武階城南卽武街之訛也

長樂廢縣

在府西元和志天寶別置安樂縣屬臨

甘肅通志

卷二十二 古蹟

二

州舊唐志長樂縣舊曰安樂後陷吐蕃廢或曰卽宋康樂寨也

康樂廢縣

在府西三十六里九域志熙州領康樂

寨宋熙寧六年置金升爲縣元廢

當川廢縣

在府西四十里九域志熙州領當川堡

宋熙寧六年置金升爲縣元廢

水池廢縣

在府西南魏收志河州有洪和郡首領

水池縣隋志枹罕郡領水池縣魏曰葷州周改名

唐廢舊志水池城在洮州衛東北一百六十里

長城 在府北三十五里史記秦始皇遣蒙恬發兵三十萬北築長城起自臨洮唐置長城堡

呂布城 在府西二里洮水東岸相傳呂布所築

鶴鳴城 在府西南相近又有三足城明一統志皆唐時吐谷渾所築

鞏令城 在府西南吐蕃所築也宋熙寧六年王韶

圖武勝使德順將景思立分兵自南甲趨鞏令卽此舊志鞏令城在府西南一百五十里或曰南甲在府南三十里

甘肅通志

卷二十二

古蹟

三

故關城 在府北三十里佛兒崖今廢址尚存

洮陽城 蘇林注曰地居洮水之陽也後爲吐谷渾

據之周明帝遂去因立洮陽郡今謂之洪和城

通谷堡 在府東三十五里一名寸金城其谷東西

僅踰百步上有竅可觀天日名曰通谷宋熙寧間

置

臨川閣 在府城中唐天寶中建下臨清流爲一郡

登臨之勝

超然臺 在府東一里本名鳳臺宋熙寧中蔣之奇

改名明嘉靖三十年楊繼盛改建超然書院於其上

西湖 在府西南二里歲五月五日引洮水注之郡人遊樂於此

渭源縣

首陽故城 在縣東北漢置舊唐志渭源漢首陽地西魏改首陽爲渭源縣上元二年復改曰首陽復於渭源故城置渭源縣儀鳳二年併首陽入之

渭源故城 在縣東北與今城相連址存

甘肅通志

卷二十二 古蹟

四

渭源堡 在縣西北岡上三百步許宋王韶屯兵於此遺址尚存

蘭州

金城廢縣 今州治漢置屬金城郡孟康曰初築城時得金故曰金城薛瓚曰取其堅固也後魏省尋復置子城縣兼移置金城郡來洎隋志金城縣舊縣曰子城帶金城郡其後又改縣曰五泉宋志崇寧三年復改置蘭泉縣爲倚郭縣金省入蘭州

石龜城 在州城北河畔州志石龜城卽州基也北

臨黃河有石如龜伏城垣下俗名大禹決河故道  
允吾故城 在州西漢置始元六年置金城郡治此  
應劭曰允吾讀曰鉛牙水經注允吾縣在黃河之  
北湟水之南通志在廣武縣西南一百五十里又  
明一統志允吾縣在蘭州西南五十里州志土人  
謂之西古城弘治十年重修爲堡按允吾在黃河  
之北今屬涼州西古在河南卽金城故址非是

阿干廢縣 在州西南四十里九域志元豐六年置  
阿干堡元一統志金大定二十二年陞爲縣屬蘭

甘肅通志

卷二十二

古蹟

五

州至元七年併入州

媼圍廢縣 在州東北漢置屬武威郡水經注河水  
經媼圍縣界東北流至勇士卽此

曠嶮城 在州南一百四十里曠嶮山下晉義熙四  
年西秦乞伏乾歸子熾盤在苑川畏姚秦之逼築  
城於此而據之後廢

石城 在州西北水經注河水東經石城南謂之石  
城津又梁熙攻涼河會城降之蓋在大河與湟河

會處故又名河會城

西市新城 蘭州舊志在州東南七十里又大定城  
在州北元豐中興夏人分界處也明嘉靖中議邊  
事者謂復大定城可屯礮兵以守河北蓋其城常  
爲寇衝云

安西城 在州南三十里天都山宋神宗時苗綬伐  
夏嘗經此山

瓦川會城 在州西南一百二十里馬啣山宋時李  
元昊所築

定火城 在州黃河北四十五里

甘肅通志

卷二十二

古蹟

六

王保保城 有二一在州東東岡坡一在金城關北

王保保卽元擴廓帖木兒明洪武初保保據州時  
築

元昊臺 在州西十五里有級數十重元昊攻阿干  
駐兵於此

肅王府 在州治北明太祖第十四子洪武中封肅  
王三十一年自甘州移國於此

候馬亭 在州西北十五里漢武帝聞大宛有天馬  
遣李廣利伐之遣使候馬於此故名

望河樓 在州西北二里傍黃河岸唐岑參有詩後  
代名人往往題咏

鐵冶 在榆谷元一統志去州五十里先代民冶故  
址今跡尚存

金縣

龕谷廢縣 在縣南二十里本宋之龕谷寨元祐七  
年廢紹聖四年復修爲堡金升爲縣正大三年河  
州陷河西因以龕谷爲金州治所元至元七年併  
縣入州明洪武初改州爲金縣在蘭州東九十里

甘肅通志

卷二十二

古蹟

七

定遠廢縣 在縣西北三十里宋志定遠城舊名李  
諾坪神誼知蘭州時所築金升爲縣元廢爲鎮今  
爲定遠驛

勇士廢縣 在縣東北漢置屬天水郡舊志在靖遠  
衛西南二百里

苑川城 在縣東北水經注苑川水北經牧師苑故  
漢牧苑之地羌豪迷吾等萬餘人到襄武首陽平  
襄至勇士抄苑馬焚燒驛亭卽此處有東西二苑

城相去七里元和志苑城在五泉縣時未置今縣

也元一統志在蘭州西悞

平地城 明一統志在縣北四十里唐戍兵所築又  
有三角城在縣東十里亦唐戍兵所築又東古城  
在縣東二十里亦唐時築

一條城 在縣東北一百里宋狄青廵邊所築本名  
龍溝堡明萬曆二十五年兵備張棟疏請改建爲  
一條城

河州

枹罕故城 今州治漢置縣屬金城郡應劭曰故罕

甘肅通志

卷二十二

古蹟

八

羌侯邑也後漢改屬隴西郡晉張軌分屬晉興郡  
咸康元年分晉興郡置河州寰宇記州東南至狄  
道縣一百四十八里後隋吐蕃廢九域志宋熙寧  
六年收復置河州以唐枹罕縣地置枹罕縣九年  
省紹興初陷於金金志貞元二年復置縣爲州治  
元又省府志枹罕廢縣在縣西又有東古城在州  
東二里乃唐舊城西古城在縣西三十里相傳宋  
時築北古城在州北一里乃元城

大夏古城 在州東南漢置屬隴西郡晉初縣廢惠

帝時張軌復置改屬晉興張駿又置大夏郡後魏復爲縣屬金城郡隋屬枹罕郡唐屬河州元和志縣西北至州七十里宋廢又寰宇記大夏城西二十里有金劍城一名金柳城前涼曾置金劍縣於此

白石廢縣 在州西南漢置屬金城郡後漢改屬隴西郡晉初省十三州志曰白石縣在狄道西北二百八十五里

鳳林廢縣 在州西南本白石縣地晉惠帝時張軌

甘肅通志

卷二十二

古蹟

九

分置永固縣晉志軌置晉興郡領縣有永固是也後入吐谷渾廢唐改置鳳林縣屬河州元和志東北至州八十里

臨津廢縣 在州西北一百二十里晉志張軌置晉興郡領縣有臨津是也後魏省水經注河水東經臨津城北白土城南爲綠河津渡之處

武城廢縣 在州東晉時涼張氏置十六國春秋咸康元年張軌分武城郡屬河州

寧河廢縣 在州南六十里九域志熙寧七年置寧

河寨宋志本吐蕃所置香子城也崇寧四年升寨  
爲縣明初廢後改和政驛

定羌故城 在州東南一百里卽吐蕃所置阿諾城  
宋熙寧七年王韶克河州破阿諾木藏城改名定  
羌城元升爲縣後廢

安鄉故城 在州東北五十里臨河吐蕃所置城橋  
關宋置安鄉關屬河州元升爲縣後廢

澆河廢郡 在州西古西羌所居相傳趙充國所築

水經注河水東經澆河故城北有二城東西犄角

甘肅通志

卷二十二

古蹟

十

東古城在州東二里遺址尚存近由塔寺乃唐舊  
城西古城在州西三十里牆垣猶存乃宋城北古  
城州北一里號番城乃元城東北去西平二百二  
十里宋少帝時拜阿豺爲澆河公卽此城也元和  
志禿髮烏孤以西平河南地爲澆河郡後周建德  
五年於今州理南東達化縣界澆河故城置廓州  
取廓清之義詳西寧志

米川廢縣 在州西唐置唐志米川本漢枹罕縣地

貞觀五年於此置米州及米川縣十年廢屬河州

永徽末移於河北屬廓州此城遂廢又見西寧府  
廢積石州 在州西元和志積石軍在廓州西南一  
百五十里儀鳳二年置西臨大澗北枕黃河卽隋  
洮河郡所理宋慶曆後屬西夏其後入吐蕃名溪  
哥城金升爲州明初廢今爲積石關出關卽屬境  
外

懷羗廢縣 在州西南宋置金升爲縣屬積石州金  
志縣西至生羗界八十里

龍支城 在州北一百四十里後魏名北金城隋屬

甘肅通志

卷二十二 古蹟

十一

枹罕郡宋爲宗哥城

平夷城 在州西南元和志平夷守捉在州西南四  
十里開元三年郭知運置

鹽泉城 在州西開元二十六年隴右節度使杜希

望發鄯州兵奪吐蕃河橋於河左築鹽泉城置鎮

西軍在州西一百八十里又元和志有天成軍在

州西八十里開元三年哥舒翰於索磨川置又有

振武軍在天成軍西百餘里天寶十三年哥舒翰

攻吐蕃雕窠城置又有耀武軍在廓州南二百里

黑峽川亦天寶間置宋元符初俱廢爲砦

循化城 舊志在州西一百三十五里西至生羗界  
一百里宋志循化城舊名一公城崇寧二年收復  
改名金屬積石州元廢

大通城 在州西北宋志舊名達南城崇寧二年收  
復改名金屬積石州元廢

來羗城 在州西北三十里宋志崇寧三年王厚收  
復金屬積石州元廢

講米城 在州西南一百里本蕃族所置宋志洮西

甘肅通志

卷二十二

古蹟

十一

安撫使收復河南一公錯鑿當標形撒東迎講米  
六城尋棄之崇寧二年再收復金廢

歷精城 在州西南宋史唃廝羅三妻喬氏有色居  
歷精城府志州西南有喬家關當以喬氏得名城  
當在其地

踏白城 在州西北吐蕃所置宋熙寧八年王韶解  
河州之圍復還熙州踏白城後燒賊廬帳木征  
來降城在寧川驛

景古城 在州東南一百三十里金志狄道縣有景

骨城卽此骨古聲相近而訛也

黃沙戍 在州西新唐志達化縣東有黃沙戍

河州衛 在州治西

甘肅通志

卷三十一 古蹟

七

隴西縣

古渭砦 九域志皇祐四年以渭州地置古渭砦熙

寧五年以砦建通遠軍崇寧三年升軍為州治

獬道城 元和志隴西縣西至渭州五十里本漢獬

道縣秦孝公元年西斬戎之獬主漢置縣屬天水

郡後漢屬漢陽郡靈帝分置南安郡治焉晉志南

安郡置獬道縣宋志作桓道隋改武陽縣又改隴

西後唐吐蕃縣廢

甘肅通志

卷二十二 古蹟 十四

襄武城 在縣東五里漢置縣屬隴西郡三國魏為

隴西郡治蜀漢延熙十六年姜維圍魏襄武不克

晉隴西郡治此隋為渭州治唐因之寶應後沒於

吐蕃縣廢宋鞏州移今治城周九里有奇環城有

濠稱為險固

中陶城 在縣東北晉志南安郡領中陶縣魏真君

八年併入新興隋志隴西舊有內陶即中陶也

長城 在縣北境一百里烏龍溝北山有遺跡慕山

越澗若龍蜿蜒其土獨黑俗名長城嶺西起臨洮

經府北東至遼東延袤萬里

密艾亭 在縣東北漢志獬道縣有騎都尉治密艾亭

赤亭 在縣西三十里羌曾姚弋仲之故居弋仲之先世居其地晉永嘉中東徙榆眉部內從之者數萬後降晉

首陽城 在縣西五十里烏鼠山漢書渭水自首陽東至京兆船司空入河舊志載縣西七十里爲首陽山東夷齊避周採薇處舊有清聖廟二賢塚明萬

甘肅通志

卷二十二

古蹟

五

曆中復建廟立碑置田崇祀

雲下田 在縣北輿地紀勝云隴西有耕天村其田曰雲下田又古諺云郎樞女樞十馬九駒安陽六角十牛九犢謂其地宜於畜牧也

六泉 在縣東南五里西秦乞伏國仁率騎兵襲鮮卑三部於六泉卽此

五谿聚 隴西記襄武有五谿楊盛分羌爲五部錯居谿傍每谿爲五聚故名

玉漿泉 在縣西四十里有山俗呼爲高武隴其山

絕壁千尋由來乏水後周武帝時豆盧勣爲渭州刺史有惠政馬跡所踐忽飛泉湧出又有白鳥翔山廳前乳子而後去民爲謠曰我有丹陽山出玉漿濟我人民神鳥來翔因呼其泉爲玉漿

三岔堡 在縣西北二十五里宋熙寧中置

武城故城 在縣西六十里武城川宋章綵築

讀書堂 在縣治東唐李翱建宋重建今廢

威遠樓 在縣東一里東北坊宋建今廢見方輿勝

覽

甘肅通志

卷二十二

古蹟

去

烽火臺 在城東五里明洪武二年平羌將軍馮勝

取鞏昌駐兵於此

熟羊城 在縣西北四十里宋皇祐初築爲砦金貞

祐中築亦爲砦郡志爲首陽鎮俗呼訛

安定縣

安西古城 在縣北三十里宋志舊名汝遮堡紹聖

三年經畧章綵進築金初置安西縣元至元三年

併入定西州

定西故城 在縣南元豐四年置定西城在通遠軍

北一百二十里五年改定西城爲通遠軍七年夏  
人圍定西城熙河將秦貴拒却之元徙州治安西  
縣此城遂廢

通西故城 在縣南四十里本宋鞏州之通西砦元  
豐六年以蘭州通西寨屬通遠軍金初置通西縣  
屬鞏州貞祐四年屬定西州元省入州今隴西安  
定俱有通西里宋西市貿易之所

通渭縣

安遠古城 在縣北六十里宋天禧二年置安遠寨

甘肅通志

卷三二

古蹟

七

今爲安遠鎮

甘谷城 在縣東五十里宋熙寧初曹瑋置城於此

爲戍守處金於此置甘谷縣屬秦州元廢入通渭  
縣

甘泉城 在縣東北九十五里宋元豐中置城於此

爲戍守要地

鷄川城 在縣東南七十五里宋治平四年置砦金

爲縣元省入秦安

秦嘉村 在縣西八十里渭城里嘉爲郡掾其妻徐

淑歸寧於家有贈答詩

漳縣

郭縣故城 在縣西南五里本故道侯尉治後漢縣之又有城在故城峪元置縣於此後圯於水

鹽川城 卽今治宋置寨金爲鎮元初併入隴西至元中置縣

會寧縣

西寧故城 在縣東三十五里宋經畧章燾所築三城相連俗呼連城金爲縣貞祐四年升爲州元初

甘肅通志

卷二十二

古蹟

六

棄新會州移於此至元七年併入州

祖厲故城 在縣北一百八十里因祖厲水而名又爲烏蘭縣今郭城驛

栗州故城 在縣東北五十里

通安故城 在縣東北七十里本金通安寨

武舉故城 在縣北一百五十里黃川山麓本古驛

城通甘肅路

古城 在縣南十五里相傳隗囂所築或云王莽時

建今廢

保川故城 在縣北五十里

敷川故城 在縣南三十里

伏羗縣

冀縣故城 在縣南三十步今遺址尚存秦本紀武公十年伐邽冀戎初縣之漢置冀縣王莽末天水謠曰出吳門望緹羣吳門冀郭門緹羣山名也後魏名當亭周爲黃瓜唐爲伏州

鹽泉故城 在縣西二十里唐於伏羗廢城置鹽泉縣貞觀元年改曰夷窟三年併入伏羗縣卽今鹽

甘肅通志

卷二十二

古蹟

五

泉舖

永寧故城 在縣西四十里卽羗之大落門谷宋雍熙中知州溫仲舒發兵取之置永寧砦崇寧三年爲縣金爲寨元省

平襄故城 在縣西北近渭漢置爲天水郡治後魏縣省舊志云卽鹽泉

寧遠縣

新興廢縣 在縣西南後漢中平五年析置新興縣

屬南安郡隋廢

廣吳故城 在縣西二十五里廣吳水遶其下宋置  
砦

洛門聚 在縣西十里卽今洛門鎮漢建武十年來  
欽又攻降隗純三國時姜維攻狄道至洛門引還  
唐廣德以後吐蕃得其地置兵守之洛門卽洛門  
避暑城 在縣東三十里亦名平定府相傳爲隗囂  
避暑處

西和縣

白石鎮 在今縣西北三里宋紹興時陝西盡陷於

甘肅通志

卷二十二

古蹟

二十三

金宣撫吳玠移岷州治於長道縣之白石鎮據南  
山建城熙河偏將關師古率兵駐本州之白石鎮  
外控強敵內爲全蜀保障州遂僑治於此十二年  
金人請和以岷犯金太祖嫌名改爲西和州以淮  
西有和州故加西字明洪武初始移今治

始昌故城 在縣北晉置屬天水郡晉地道記曰始  
昌縣故西縣城也

水南故城 在縣北眞君二年置魏收志南秦州有

天水郡眞君七年置治水南縣又領平泉平原二

縣後周省入長道縣

漢源廢縣 在縣北唐置以近西漢水爲名實應中  
沒於蕃後廢

鹽官城 在縣東北九十里鹽井水與岸齊味與海  
鹽同

石堡城 寰宇記長道縣南十八里上有石城高一  
百丈中有石井深一丈四時湛然飲之不竭

諸葛軍壘 在縣西北七十里之長道鎮漢水遶其  
下中突起一小山若臺武侯伐魏駐兵處

甘肅通志

卷二十二

古蹟

三

祁山軍 在縣北祁山前三里有諸葛故壘壘之左  
右猶有豐草蓋忠武侯所植也

鄴公營 在縣西北武德元年行軍元帥鄴國公竇  
軌討薛舉餘黨營於此

臨洮舊治 唐宣宗時築以去洮遠改建洮水之上  
今遺址存

靖遠縣

會寧廢縣 在縣東北西魏置會寧縣屬高平郡周

廢隋開皇十六年復置縣大業七年分置西突厥

部落於此後爲李軌所滅唐武德二年平李軌置西寧州貞觀八年以此州倉儲殷實改爲粟州又爲會州廣德後陷吐蕃宋雍熙二年李繼遷破之焚城郭而去崇寧三年置敷川縣金置保川縣明年州陷遷治新會州城明正統二年復修廢城置衛卽今縣治

祖厲故城 在縣西南一百三十里漢置縣屬安定

郡祖厲 音塵 城一名馬城

鶯陰故城 在縣北漢置鶯陰縣屬安定郡後漢屬

甘肅通志 卷二十二 古蹟 三

武威郡

烏蘭故城 在縣西南百四十里後周置烏蘭關唐

武德末置烏蘭縣後縣廢

麥田城 在縣東北

會川城 在縣西南百里元符二年建築元一統志

金會州陷於河西僑治西南一百里會川城名新

會州元初又遷西寧

德威城 在縣西南本名清水河宋政和六年童貫

遣秦鳳將劉仲武出會州至清水河築城屯守而

遷賜名德威城屬秦鳳路西至黃河四里

新泉城 在縣南四十里唐大定初郭元振置新泉軍初屬朔方天寶中屬河西節度使宋爲新泉砦

金廢

懷戎堡 在縣東宋崇寧二年築

靜勝堡 在縣西南舊名接應堡宋政和六年賜名

迭烈遜故城 在北七十里明設巡檢司成化間改移

黃河堰 在北城外唐刺史安敬忠築

甘肅通志

卷二十二 古蹟

三

砥柱石 在城北五里黃河中峭壁聳峙屹立中流方正如削俗名獨石明以卿瑯崑田刻中流砥柱四字於石上

岷州

長城 在州西元和志秦始皇三十四年使蒙恬築長城起臨洮至遼東首起溢樂縣西二十里

索西城 在城東南九十里一名赤水城亦曰臨洮

東城漢明帝時燒當羗反遣將軍馬防校尉耿恭

擊平之乃築此城

龍城廢縣 在州東北魏置臨洮郡及龍城縣周廢

祐川廢縣 在州東南七十里本西魏同和郡地隋

以前置基城縣唐為祐川縣屬岷州後廢

和政廢縣 在州東北三十二里本後周洮城郡保

定元年改同和縣又改和政縣宋廢遺址尚存

當夷廢縣 在州西周置唐省縣入溢樂其城本吐

谷渾所築

宕昌城 在州南一百五十里後魏書宕昌羗其先

蓋三苗之裔世為豪帥其地自仇池以西席水以

甘肅通志

卷二十二

古蹟

二

南東西千里南北八百里地多山阜世修職貢後

周高祖滅之以其地置宕州宋熙寧六年拔宕岷

二州置宕昌寨屬岷州運蜀茶市馬於此後為金

人所據

良恭廢縣 在州東南一百一十里隋置唐屬宕昌

郡宋為鎮屬岷州元廢

廢鐵州 在州西北九十五里吐蕃鬼章亓結所居

宋熙寧中州守种誼破鬼章於此

麴城 在州東南蜀姜維率衆依麴山築二城使牙

門將苟安守之

梅川古城 在州東北三十里今尚存

分疊城 華嚴城 俱在州西南二城唐德宗幸奉

天時淪於番又有龕谷蓮花喇荅宗哥四城并沒

於番

洮州衛

洪和故城 今衛治後魏置郡後入吐谷渾郡廢隋

爲美和縣地唐貞觀四年移洮州於此

洮州故城 在衛西南七十里卽今舊洮堡晉惠帝

甘肅通志

卷二十二

古蹟

五

置洮陽縣於此周爲臨潭

安西故府 在臨潭縣東四十里周總管博陵公賀

蘭祥討吐谷渾築此城因置博陵郡隋爲縣唐省

入臨潭又置安西府

迷和城 在衛東或曰卽吐谷渾之迷和城寰宇記

有鳴鶴城卽此城之訛又有三足城鎮念城皆吐

谷渾所築

神策軍 在衛西八十里唐禪川天寶十三載置

洮源故縣 在衛西南周置旭州隋改洮源唐武德

八年廢

古壘州 在衛西南一百八十里周建德六年始置  
壘州大業中州廢屬洮州唐治合川縣東南至扶  
州三百四十里西至吐蕃界九十里其地風景融  
和產稻多果木與松茂相隣領合川樂川壘川三  
縣又置安伏和同二縣處党項尋省壘樂二縣後  
陷吐蕃州縣俱廢

慶芳州 在衛西南卽古甘松地周武成中於三交  
口築城置甘松防後改爲芳州以地多甘松芳草

甘肅通志

卷二十二

古蹟

美

爲名領恒香深景二郡唐置甘松府上元二年州  
陷吐蕃廢

沓中 在衛西南羗中卽沙湫之地姜維退屯沓中  
種麥於其地

湫川城 晉太元中乞伏國仁置湫川郡其地西接  
黃沙亦謂沙湫在衛西南

西平故里 在衛西七十里唐西平忠武王李晟生  
處李氏世以武功顯晟以備羗居臨潭因家焉

西固城

羌道廢縣 在城西漢置縣屬隗西郡後漢改屬武  
都郡晉省魏收志石門縣有羌道城卽此

甘肅通志

卷二十二

古蹟

七



平涼府

平涼縣

涇陽故城 在府西四十里史記秦靈公居涇陽漢置縣魏收志鶉陰縣有涇陽城又隴東郡領涇陽縣後漢罷晉後復西魏以後仍廢而涇陽遂移於

渭北

平涼故城 在府西北東晉時苻秦置郡地形志涇州領平涼郡治鶉陰縣有平涼城舊唐志云平涼縣舊治陽晉川開元五年移治古塞城元和志縣

甘肅通志

卷二十二

古蹟

三

西北至原州一百六十里本漢涇陽縣地後魏爲長城郡長城縣地周建德元年割涇州平涼郡于今理置平涼縣屬長城郡隋開皇三年屬原州開元五年移涇水南貞元七年又移舊縣南坂上卽今縣通典平涼漢朝那縣地五代志平涼故屬涇州唐末權於縣置渭州而縣廢唐清泰三年以故平涼縣之安國耀武兩鎮置平涼縣府志五代置平涼縣今府城西三十五里安國鎮西古城是也

金始移今治蓋古耀武鎮地西去安國故城三十

里

朝那故城 在府西北漢地理志縣屬安定郡後漢  
及晉因之後魏末移置今靈臺縣界此城遂廢括  
地志朝那故城在百泉縣西北七十里元和志在  
縣西四十五里胡三省曰漢朝那城在原州花石  
川是也明一統志漢朝那城在府東南悞

烏氏廢縣 在府西北史記涇北有烏氏之戎地理  
志烏氏縣屬安定郡郡國志作烏支晉魏時徙治  
涇州界故縣廢胡氏通鑑注故城在彈箏峽口

甘肅通志

卷二十二

古蹟

三

百泉廢縣 在府西北八十里隋置屬平涼郡唐仍  
屬原州元和志縣西至原州九十里後魏孝明帝  
於今縣西南陽晉川置黃石縣隋改爲百泉武德  
八年移今所通典百泉漢朝那縣地舊志百泉故  
城本姚秦之時黃石圍赫連夏置長城護軍于此  
後魏因置長城郡五代初縣廢

鶉陰廢縣 在府西南九十里漢置縣在今靖遠縣  
境後魏移置於此地形志平涼郡治鶉陰是也後

周併入平涼縣

潘原廢縣 在府東四十里漢置陰盤縣在今長武縣界後魏移置於此兼置平原郡隋志開皇初郡廢縣屬安定郡舊唐志隋陰盤縣天寶元年改曰潘原共廢縣在良原縣界新唐志潘原縣後省爲彰信堡貞元十一年復置屬涇州中和四年移武州來治周顯德五年廢新武州以縣屬渭州元初併入平涼縣

靖夏城 在府境宋史政和六年夏人大舉攻涇原靖夏城城陷屠之而去宋志是年賜涇原路席菁

甘肅通志

卷二十二

古蹟

三

平新城名曰靖夏未詳屬何州軍

我羅城 在府北晉義熙五年赫連勃勃攻秦勃竒

堡黃石固我羅城皆拔之舊志黃石卽百泉廢縣

我羅城在黃石東勃竒堡亦在府北又晉太元十

四年苻登攻安定羗子密造堡克之舊志在府西

南

聚糧坪 在府境漢馬伏波征隗囂屯糧於此

會盟壇 寰宇記在府西北五里唐貞元三年築渾

瑊與吐蕃會盟處新志在天壇山西

六盤砦 在府西七十里唐時吐蕃入寇陷沒宣宗朝收復宋咸平中知渭州曹瑋置砦戍守

白草軍 唐志白草軍在蔚茹水之西至德中曾沒吐蕃後收復

新砦 地名小盧關宋開寶中置改今名

定川砦 西控六盤山一帶宋太平興國中置

勤武堂 在府西北五里宋知渭州蔡挺建五日一訓兵於此偏伍鈺鼓之法甚備儲勁卒于行間遇用奇則別爲一隊甲兵整習常若寇至

甘肅通志

卷二十二

古蹟

三

柳湖避暑閣 在府北三十里宋蔡挺建柳數千株綠陰成林湖光可掬夏月人多避暑於此旁又有柳亭

會景亭 在崆峒山又有參雲亭宋游師雄云此去跋參雲危棧愈踧踏會景亦可喜周顧忘倦數

水築臺 在府北郡人能爲水戲宋太守王素建此臺觀之

韓王府 在府城定北門內太祖第二子憲王松洪武二十四年封開原傅子恭王宣德間遷國于

此

崇信縣

崇信故城 卽今縣治唐書貞元中隴右節度使李元諒築城屯軍名曰崇信九域志在渭州東南八十五里

銅城 在縣西地形志安定縣有銅城卽此宋志慶曆四年陝西漕臣張奎采儀州黃銅置博濟監蓋在此明一統志城在縣西四十里廢潘原縣銅城山以此爲名舊志黃巢之亂土人築以禦寇北枕高山南面平原踞泗水峽口故趾尚存今南移二里許爲中原堡

甘肅通志

卷二十二

古蹟

三

赤城 在縣南五十里府志相傳秦始皇田獵至此築城駐蹕以土赤故名今爲新安堡又廐城在縣南一里唐李元諒築以畜馬

九宮城 在縣東十里北山之麓初欲建城於此築九堵而罷故又曰九工

華亭縣

儀州故城 與縣城相連西抵華尖山麓東瞻儀山

後魏普泰初築城置鎮以扼蕃戍之路唐爲神策軍地後唐同光中改置義州周置華亭縣於州郭宋太平興國間避諱改儀州熙寧中州廢

化平故城 在縣西北一百二十里宋置本名安化屬儀州西北至蕃界十里尋改屬渭州金大定七年改爲化平元併化平入華亭

都盧城 在縣西都盧山下武王伐商不期而會者八百國誓師牧野有曰盧人傳曰盧彭在西北是爲盧國古城

甘肅通志

卷二十二 古蹟

三

屯城 在縣東唐李元諒屯兵拒吐蕃時所築也地近崇信縣界

瓦亭砦 在縣西北八十里金佛峽內控隴山一帶卽古蕭關也後漢隗囂使牛邯守瓦亭山唐肅宗幸靈武牧馬於此

大震門 舊號大震門宋慶曆中改制勝關管沿山小砦五十五處熙寧七年改制勝關爲安化縣廢舊縣爲鎮

皇甫山居 在縣西黃家山山連華尖下有九龍池

相傳爲皇甫氏別業今池廢九曲址在

朝陽樓 在縣東四十四里

鎮原縣

臨涇故城 在縣西二里漢縣晉安定郡治唐屬涇州唐書大曆九年吐蕃寇臨涇元併入鎮原州

按縣本古臨涇地歷代諸志可考唐置行原州宋爲原州明一統志謂卽隋唐原州遂謂卽古高平縣悞甚

彭陽故城 在縣東八十里漢縣以在彭水之陽也

甘肅通志

卷二十二

古蹟

十四

屬安定郡後魏屬原州後置雲州唐置豐義縣宋復曰彭陽元吳入寇种世衡將景泰遇於彭陽城依山爲陣

安武廢縣 在縣南漢置屬安定郡後漢省後魏復

置屬西北地郡元和志臨涇縣兼有漢安武安定彭陽撫夷四縣之地舊志安武故城在府東北

撫夷廢縣 在縣北漢置屬安定郡後漢省後魏復置屬隴東郡隋省

安定故城 在縣東南漢置屬安定郡後漢省後魏

復置移於南界卽今涇州也元和志安定故城在臨涇縣

保定城 在縣南唐貞元七年涇原節度使劉昌築保定城捍青石嶺十年又請於臨涇界保定城置陰盤縣又武亭城在縣南六十里

西城屯 在縣東南九十里唐興元初李晟復西京朱泚自涇州北走至彭原西城屯其將梁庭芬等殺之趨涇州降

佛空坪堡 古縣也宋慶曆中修捍北邊

甘肅通志

卷二十二

古蹟

三

柳泉鎮 在縣西北七十里舊名鶉鴿泉宋慶曆置西卽熟戶明珠城臧康奴等族北綏寧砦

回中宮 秦時建漢武帝元封四年行幸雍通回中道遂出蕭關應劭云回中在安定平高有險阻秦置回中宮于此

凌雲閣 在縣東玉山巔下臨萬仞常有雲氣

書臺 在縣北潛夫山金大定間因書臺舊址建思

潛亭

固原州

高平故城

卽今州治漢置漢志武帝元鼎三年置

安定郡治高平地形志新平郡有高平縣又云大

延二年置高平鎮正光五年改置原州並置郡縣

治高平城隋志平涼郡治平高縣魏高平縣後改

爲平高元和志原州治平高縣本漢高平縣九域

志鎮戎軍至道元年以故平高縣地置有高平砦

慶曆三年置嘗建州在軍北宋志高平領高平砦

元改置開城府明成化四年討平滿四陞固原所

爲衛弘治十五年總督秦紘開闢固原請於固原

甘肅通志

卷二十二

古蹟

三

衛城設州遂爲重鎮

開城廢縣

在州西南四十里宋爲開遠堡元至元

十年皇子安西王分治秦蜀遂立開城府仍視上

都號爲上路至治三年降爲州治開城縣明廢州

爲縣成化三年縣省入州

三水故縣

在州北漢置三水縣屬安定郡屬國都

尉治有鹽官晉廢今於城東北有故城城北有三

泉疑卽鹽官也後魏改置於今邠州界非故縣也

他樓廢縣

在州北舊唐志貞觀六年置綠州領架

厥降戶寄治平高縣界他樓城神龍元年移於地  
隄縣元和志隋有他樓縣寰宇記本漢高平地水  
經注太婁故城太婁卽他樓之訛

蕭關廢縣 在州北唐神龍三年廢他樓立蕭關大  
中五年以縣置武州宋志蕭關砦崇寧四年建築  
大觀二年以砦隸懷德軍金廢舊志以爲在鎮原  
西北通志以爲在華亭西北卽瓦亭驛俱悞

西川廢縣 在州境三國魏郭淮傳正始中涼州休  
屠降使居安定之高平其後因置西川都尉傅元

甘肅通志

卷二十二 古蹟

三

傳泰始四年疏請置一郡於高平因西川都尉募  
民充之晉志安定郡有西川縣蓋卽故都尉置縣  
也後廢後魏時有西川侯彭文暉蓋亦卽封於此

東山廢縣 在州東南四十里九域志鎮戎軍有東  
山砦咸平二年置金陞爲縣屬鎮戎州元初改屬  
鎮原州後併入鎮原至元十年安西王封守西土  
立開城路改爲廣安縣十五年陞爲州仍隸開城  
路明初廢今爲東山砦

三川廢縣 在州西北三十里九域志天聖八年置

三川砦屬鎮戎軍金陞縣屬鎮戎州元併入鎮原州

西安故城 在州西北二百十里宋志元符二年以

南侔會新城建金志皇統六年以西安州沿邊地

賜夏國

廢懷德軍 在州東北一百五十里卽細腰葫蘆破

城通韋州靈夏諸處其路兩山相夾最爲要害宋

范仲淹請築細腰葫蘆諸砦紹聖四年章綏請城

葫蘆河川據形勢以逼夏人賜名平夏城大觀二

甘肅通志

卷二十二

古蹟

美

年改懷德軍增置將兵於西安鎮戎互爲聲援應

接靖康間軍廢

豫望城 在州北二百二十里宋時與西夏分界處

卽今平虜所明弘治十七年總督秦紘言固原迤

北地名豫望城騾于川獅子川石峽口及寧夏之

韋州延袤千里可墾田土無慮數十萬頃請築屯

堡議耕種

長城 在州西北十里有遺址綱目秦滅義渠築長

城以拒敵卽此

石城堡 在州西北一百五里四壁削立山頂平曠  
四圍石牆高二丈中有石井五各濶丈餘以貯水  
惟一路可登地甚險窄明天順中土達滯四據此  
以叛其旁青山洞及慧箒山皆賊巢也後遂毀其  
險隘今爲廢城

紅城子 在州北七十里秦長城外亦曰黑城子明  
官兵討滿四由此

韓耳朵 在故開城西北安西王夏秋避暑居之巨  
礎尚存

甘肅通志

卷二十二

古蹟

堯

立馬城 在州東一百四十里有遺址又陽武城在  
州東南一百里圍城兒磚城兒俱在白馬城東未  
詳建置天聖寨在州東北八十里宋置元廢定川  
寨在州西北二十五里宋置金省平安寨在開城  
東一百二十里

唐監牧 在州東南唐書天寶末太子自奉天至平

涼閱牧馬得數萬匹元和志監牧在原州貞觀中

自京師東赤岸澤移馬牧于秦渭二州之北會州

之南蘭州狄道縣之西置監牧使以掌其事仍以

原州刺史爲都監牧使以管四使天寶中諸使共  
有五十監監牧地東西六百里南北四百里見在  
馬三十一萬九千三百八十七匹州志羣牧監舊  
址在開城東南三里

朝那湫 舊設祠祀朝那神湫濶四十里涇水不流  
冬夏不增減戰國時秦人詛楚投文于此按志朝  
那湫有二一在州東十五里一在州東北三十里  
土人謂之東西海泉眼

涇州

甘肅通志

卷二十二

古蹟

早

安定故城

在州北漢縣在今鎮原界後漢省東晉

復置爲安定郡治元和志後魏神麤三年置涇州

因水爲名隋大業末金城賊帥薛舉侵擾鹵涇武

德元年太宗西討會舉死其子仁杲遂復改安定

郡爲涇州治保定縣本安定至德中惡安祿山更

名保定金又改涇川縣明省入州徙治涇南之皇

甫家店卽今州治

爰得廢縣

在州東南漢置屬安定郡後漢省後魏

復置屬新平郡後周省

當原城 在州西北後魏孝昌初万俟醜奴寇涇州  
置營州西北七十里當原城崔延伯討之兵敗還  
保涇州是也

折塹城 在州東北十五里西魏涇州刺史乙弗貴  
所築隋末薛舉屯據于此舉死仁杲復竊據武德  
元年討平之明一統志薛舉城卽折塹城

共邑 在州北五里詩大雅客人不恭侵阮徂共鄭  
氏曰共阮國地名今共池是也武王時爲畿內諸  
侯居涇之陽

甘肅通志

卷二十二

古蹟

三

平亭 在州東五里後魏永安三年万俟醜奴走還  
安定置柵於平亭卽此

黃河堰 在州城北唐刺史安敬忠築以捍河流旁  
多斥堠路入安西張藉詩云道旁雙古堠猶記向  
安西卽指此

鹽倉 在州西唐大曆八年涇原節度使馬璘與吐  
蕃戰處時運鹽儲此以供軍故名

薄落亭 在州界一名瓦亭唐肅宗幸靈武牧馬於  
瓦亭川卽此

長武砦 在州東七十里宋范仲淹奏差宋良等部  
領番漢軍馬往涇州長武砦把隘有龍馬寺在內  
相傳宋太祖徵時遇僧守嚴異其骨相陰使畫工  
圖於寺壁今猶模糊可辨按長武砦卽邠州長武  
縣原屬涇州故址故及之

王母宮 在州西三里回中山下臨涇水漢武帝時  
西王母乘五色雲降因立祠後改爲宮宋陶穀有  
記

皇甫頭 在州西北二十里卽皇甫和所居處有皇  
甘肅通志

卷二十二

古蹟

聖

南嵩讀書臺

振履堆 在州境故老相傳夸父逐日振履於此阜

上

靈臺縣

鶉觚故城 在縣東北漢置袁山崧書漢末以鶉觚

置新平郡晉仍屬安定郡地形志趙平郡治鶉觚

縣唐屬涇州天寶初改靈臺周地圖記云鶉觚縣

者秦使太子扶蕪及蒙恬築長城見此地原高水

淺因欲築城遂以觚爵奠祭乃有鶉鳥飛昇觚上

以爲靈異因以名縣石趙建武十年改爲趙平郡  
後魏大統中自故城移今所卽今靈臺治

靈臺故城 在縣東南五十里隋志大業初分鶉觚  
置靈臺縣二年廢義寧二年復置屬麟遊郡唐省  
入麟遊

陰密故城 在縣西五十里古密國文王伐之爲周  
地左傳密須之鼓與其大輅文所以大蒐也史記  
周共王遊於涇上密康公從秦置陰密縣白起遷  
於此漢志安定郡領陰密縣杜預曰密須姑姓國  
甘肅通志

卷二十二

古蹟

壘

在陰密隋省入鶉觚唐貞元間武康郡王李元諒  
築之卽今百里鎮

朝那故城 在縣西北九十里後魏大統元年自原  
州百泉縣朝那城徙治于此縣志今居民貿易於  
此爲東朝那市

良原廢縣 在縣西北九十里隋大業元年置唐屬  
涇州李元諒傳貞元四年爲隴右節度使移鎮良  
原開美田數十里歲入菽粟數十萬斛自是常以  
神策軍分屯於此謂之良原鎮元併入靈臺

西屯鎮 在縣西三十里郭子儀遣將白元光破吐蕃時屯兵處

靈臺 相傳周文王所作按文王靈臺在今郭縣今縣東北有臺山或取此爲名

涇臺 在縣東三十里保巖山之巔可望百餘里雲霧生於足下

料馬臺 卽陰密城之西山壁立千尋極巔澗平數頃古木流泉時爲攬勝者所棲止相傳李元諒曾料馬其上因名

甘肅通志

卷二十二 古蹟

四

讀書臺 在縣東北五里晉皇甫謐讀書處

牛仙客故宅 在縣治西唐中和間建爲勝果寺

牛僧孺別墅 在縣南離山之北後改爲至定寺內有銀杏一株相傳爲牛氏所植

靜寧州

德順廢軍 在州東宋置九域志慶曆三年以渭州

隴干城置通考德順軍漢番互市之地在六盤山

外元省

阿陽故城 在州南漢置縣屬天水郡晉省後魏復

置隋省章懷太子曰阿陽故城在隴城西北卽此  
又寰宇記河陽城以在河之西北因名

隴干廢縣 在州東宋志德順軍治隴干縣以外底  
堡置朱祥符中知渭州曹瑋築城戍兵守之嘗曰  
異時涇渭有警此必爭之地慶曆間經畧使韓琦  
請建爲軍

水洛故城 在州東一百里水經注水洛水逕水洛  
城又犢奴川水逕水洛亭南宋范仲淹曰朝那之  
西秦亭之東有水洛城鄭戩曰水洛城西占隴坻

甘肅通志

卷二十二

古蹟

隴

通秦州往來之路隴之二水環城西流繞帶渭河  
川平土沃廣數百里又有水輪鉛銅之利慶曆三  
年劉滬密使城主鐸斯那內附戩卽遣滬築之以  
捍西夏金升爲水洛縣元併入隴干

威戎故城 在州西南四十里宋志德順軍領威戎  
堡金升爲縣後廢

治平故城 在州南八十里九域志德順軍領治平  
砦治平四年置金升爲縣元併入隴干

登高臺 在州治東宋建於城最高處以爲瞭望之

所

莊浪縣

通邊廢縣 在縣東七十里九域志德順軍有通邊

砦慶曆八年置金升為縣後廢元改莊浪州明降

為縣册說通通堡蓋通邊之訛

靜邊故城 在縣西九域志德順軍領靜邊寨天禧

二年置金志通邊縣領靜邊寨舊為縣元廢

蓮花城 在縣西南一百里即蓮花堡見關梁

望夫石 在縣北三里相傳有婦望夫不至化石於

甘肅通志

卷二十二

古蹟

巽

此

隆德縣

隆德故城 在縣西北九十里宋砦也九域志天禧

元年置羊牧隆城慶曆三年改隆德砦雍大記地

名邪沒隴川番語訛為羊牧隆城金升為縣

長城 在縣西北六十里秦所築

紅土城 在縣西北四十里宋金時戍守處

月支道 在縣境漢時以居月支降者

牛營砦 在縣北四十里相傳漢時牛邯軍此故名

靜邊砦

在縣境宋曹瑋所築

祭旗坡


在縣南六十里宋曹瑋禱於此

甘肅通志

卷二十一

古蹟

四



慶陽府

安化縣

不密城 括地志在弘化縣南三里元和志在州治

東南三里府志云卽今府治

郁郅故城 史記夏后氏衰后稷子不密自竄於戎

狄之間又秦惠王伐義渠取郁郅漢置縣後漢廢

杜氏通典郡城今名尉李城

合水故城 今縣治本漢郁郅城後漢迄晉不立州

縣後魏及周以爲鎮隋開皇十六年置合水縣

甘肅通志

卷二十二

古蹟

四

在馬嶺白馬二水口因以爲名唐武德二年改爲

合川後改爲安化縣宋因之元併縣入府明初復

置府志有慶州城在今府城北門外周圍八里東

北高十餘丈西南高六丈又田家城在慶州城北

門外周四里高二丈四尺未詳建置

同川廢縣 在縣西八十里本漢郁郅縣地隋義寧

二年分彭原縣西南十五里三泉置三泉縣唐武

德元年改爲同川因同川城爲名宋乾德二年併

入安化府志今爲同川里

延慶廢縣

在縣東北元和志慶州領延慶縣南至

州四十里本漢郁郅縣地後魏置朔州隋爲合水

縣地武德六年分置白馬縣天寶元年改名延慶

寰宇記延慶縣本漢郁郅縣之柳谷城周顯德二

年併入安化府志延慶廢縣在府東北三十里後

魏嘗置延慶縣尋省入安化唐復置未知所據

歸德廢縣

在縣東北漢志北地郡領歸德縣後廢

隋志弘化郡領歸德縣西魏置恒州周州廢唐縣

廢

甘肅通志

卷二十二

古蹟

四

洛源廢縣

元和志縣東南至慶州二百七十五里

本漢歸德縣地隋大業初改爲洛源縣因洛水所

出爲名後廢唐復置宋廢爲堡

懷安廢縣

在縣東一百六十里居近党項蕃落唐

開元中檢逃戶所置故以懷安爲名宋廢爲懷安

鎮又舊唐志有芳池州都督府寄在慶州懷安縣

界管小州十日靜獯玉漢林尹位長寶寧並党項

野利氏種落至德後廢

彭原廢縣

在縣西南八十里本漢彭陽縣地後魏

破赫連定於此置彭陽縣隋改曰彭原因彭池原  
爲名唐於此置彭州元省

富平故城 在縣西南漢爲北地郡治永和六年徙  
馮翊縣廢魏收志西北地郡領富平縣後廢寰宇  
記富平故城在樂蟠縣西八十里彭原縣界

參綠廢縣 在縣西北漢置定安郡有參綠縣主騎  
都尉治後漢屬北地郡至晉廢

安化廢州 在縣境舊唐志安化州都督府管小州  
七曰永利州威州旭州莫州西滄州儒州琮州又

甘肅通志

卷二十二

古蹟

五

安定州都督府管小州七曰党州橋州烏州西戎  
州野利州米州還州二府俱寄在慶州界新唐志  
安定後更名宜定又靜邊州都督府貞觀中置後  
僑治慶州境皆天寶後廢

定邊故城 在縣北三百里宋元符初築後改爲軍  
又置定邊縣爲附郭金爲定邊寨屬環州皇統六  
年以定邊軍地賜夏人明時有官軍及巡檢司守

禦

周槃城 舊志在縣南一百二十里卽後魏趙平郡

東繫縣後周改曰周繫尋廢

大順城 在縣西北一百五十里宋范仲淹知慶州  
以西北馬舖砦當後橋川口在敵腹中欲城之度  
賊必來爭密遣子純祐先據其地引兵隨之至則  
版築皆具旬日而成卽大順城也大順旣城而白  
豹金湯皆不敢犯環慶寇盜漸少賜名大順

白豹城 在縣東七十里宋初屬西夏地界范仲淹  
建議取之築此城東接安疆寨西接東谷寨南接  
柔遠寨北接勝羗堡後屬定邊軍金志慶陽府有

甘肅通志

卷二十二

古蹟

五

白豹城元廢府志大順城北四十里爲白豹城

鎮安城 在縣東北接延安府界宋政和六年築又  
有駱駝城在縣東北一百里周圍二里高二丈卽  
宋綏遠砦也

業樂城 在縣東北八十里宋范仲淹因蕃部內附  
故築此城以容之周圍二里許

第二將城 在縣東北一百二十里周圍七里高一  
丈五尺宋時築相傳第二將駐師處

天固堡 府志在縣西南八十里寰宇記在彭原廢

縣南甚險固

雪泥堡 美泥堡 在縣東北一百五十里俱宋范仲淹所築

槐安東西谷砦 東谷砦在縣東北一百七十里道通安塞川至今稱爲老砦西谷砦在縣西北一百八十里道通環縣俱宋范仲淹所築

安疆砦 在縣西北宋志本西人疆詐砦元豐五年收復賜名元祐四年給賜夏人紹聖四年修復後屬定邊軍

甘肅通志

卷二十二

古蹟

五

橫山砦 在縣北宋志地名西掠嚙元符元年建築賜名府志橫山砦在縣北一百里其北卽綏遠砦又寧羗砦地本萌門三岔元符元年築賜名威邊砦離橫山砦三十五里俱廢

通塞堡 在縣北宋元符元年築又勝羗堡麥川堡威寧堡俱政和六年築賜名又懷威堡在威寧堡北府志懷遠砦在府城東北二百里卽古懷威堡

九陽堡 在縣西北宋志有九陽通化觀化鷄背神堂五堡俱屬定邊軍金廢

綏遠砦 在縣境本駱駝巷宋元符二年築賜名

車箱峽路 在縣北自槐安西北入通慕川經靜邊

鎮香栢砦取車箱峽路過慶州舊蕃戎地北入鹽

川約五百里此路山原川谷中行不甚艱險宋初

懷安至鹽川蕃部並內附至道中五路出師丁罕

從此路進軍至鹽川其時靜邊白豹金湯復橋等

鎮並爲夏境各置堡寨乃范文正公經畧時修築

以備之

公劉莊 在縣北三十里有腴田數畝號天子掌人

甘肅通志

卷二十三

古蹟

五

莫敢墾

牛園 去府城百里四圍沙磧惟園所潴水人馬足

飲章窠嘗置毒藥於此夏人入寇飲者多死

晝閒堂 在縣治南唐高祖留守弘化時建有太宗

御書石刻

范仲淹宅 在縣治東仲淹爲環慶安撫時所居今

爲慶儲庫

安化樓 在府治內宋知州章窠建有記

視事堂 在府城內宋范純仁帥慶陽時建

江漢堂 在府廨內本安撫使宅范仲淹建其子純粹後知慶州於廨內立是堂晁補之爲記

鷺池 在縣治南二百三十八步宋慶曆中經畧安撫使施昌言重修明洪武間指揮孟侃宣武復浚

柔遠亭 在府城西宋建於柔遠砦山頂可以憑高望遠

合水縣

蟠交故城 今縣治唐置以城臨大小樂蟠二水交

口因以爲名

甘肅通志

卷二十二 古蹟

番

畧畔道故城 在樂蟠廢縣東北四十里漢地理志

畧畔道屬北地郡後魏大統間置蔚州於此顏師

古曰有畧畔山在慶州界土俗訛曰洛盤

華池廢縣 在縣東北一百二十里本漢歸德縣地

更始封岑彭於此後魏置縣後廢唐初復置又於

縣置林州宋省爲鎮明設巡檢司

樂蟠故城 在縣西南七十里隋置元和志義寧元

年折合水置樂蟠縣取樂蟠城爲名延綬志樂蟠

城宋金以來廢爲金櫃鎮

唐列代碑 在縣東一百里金明昌中薛王十三世孫李大中刻唐高祖至昭宣二十一像於上

郭子儀碑 在縣東南一百二十里子儀十一世孫訥刻其墓誌並鐵券於墓上

### 環縣

長城 在縣北三里秦將蒙恬所築

方渠廢縣 在縣南七十里漢置北地郡領方渠縣

後漢廢唐書貞元十三年以方渠當吐蕃要路命

邠寧帥楊朝晟城之五代初廢爲鎮屬靈州改置

### 甘肅通志

#### 卷二十二

古蹟

五

通遠縣爲環州治朱天聖元年又曰方渠朱志環州有方渠砦元省通遠縣入州明一統志方渠廢縣卽朱砦也

馬嶺廢縣 在縣南一百三十里漢北地郡治馬嶺

縣後漢徙北地郡治富平而馬嶺縣廢後魏爲朔

州地隋大業元年分合水縣於此置馬嶺縣五代

時廢宋范仲淹重築爲鎮周三百七十五步金因

之元廢明成化間巡撫馬文升復爲修築居民禦

寇便之

安塞廢縣 在縣西四十里漢置縣後廢爲鎮唐復置五代晉省入通遠縣宋天禧中築爲砦北控西界九星原路

環州故城 在城北一里卽舊環州城後周置會州隋改爲環州唐咸亨中置安樂州大中間改威州明始爲環縣以環江流經城西委曲環抱故取名焉

木波城 在縣南四十五里唐爲木波堡寧州刺史楊朝晟城鹽州屯兵於此五代時爲木波鎮屬寧

甘肅通志

卷二十二

古蹟

五

州周割屬通遠軍城周三里八十步宋范仲淹築咸平中重修元廢明成化間巡撫馬文升修築

合道城 在縣西南七十里其水自開城縣來入環江以二水合流故名宋金皆爲鎮元廢

安邊城 在縣西北地名徐家臺宋崇寧五年築賜名金爲安邊砦元廢舊志城在縣西北一百二十

里明置安邊所

興平城 在縣西北地名灰家嘴宋元符元年築金

爲興平堡元廢

細腰城 在縣西其北有二川交通西界宋慶曆五年范仲淹議築此城以斷其路命知州种世衡董其事晝夜興築城成自環州改隸原州卽此城矣

烏崙城 在縣北三十里周一里三十步東至番界西接永和北接肅遠界宋范仲淹經畧時置砦屬通遠縣屯兵控烏崙一帶咸平中重修明初亦設兵防衛

肅遠城 在縣北四十里宋史咸平六年賜環州大落鞞州新砦曰肅遠其城亦范仲淹築咸平中重

甘肅通志

卷二十二

古蹟

五

修

洪德城 在縣北六十里宋置砦熙寧中章綵折可適破夏人於洪德城卽此冊說紅德城西北去靈州惠安堡一百八十里卽洪德之訛今城內設官兵駐防

平遠砦故城 在縣北七十里東控大硯川入靈武路宋天禧中築

團堡砦 在縣西北五十里宋天禧中築今有團堡里又有安化砦在縣東七十里

阿原堡 在縣東北一百里又朱臺堡羅溝堡在阿原堡北四十里俱宋政和三年建築賜名

曲子城 在縣南九十里又有靈祐城在縣南一百五十里皆明永樂初征西將軍何福築

惠丁堡 在縣東北九十里又麝香堡在惠丁堡西三十里俱宋時建築

徐家窰砦 在縣北一百三里葫蘆河川上寬平可容數百人前代鄉民嘗避兵於此今更名徐家臺

木瓜堡 在縣東北一百四十里旁有木瓜原明正甘肅通志

卷二十二

古蹟

美

德四年敵入花馬池總兵馬昂與其酋亦孛來戰於木瓜山諸處斬獲頗衆

歸德堡 在縣北宋志環州有歸德堡又有定戎堡通歸堡流井堡俱應在今縣界金志惟有木瓜歸德興平三堡元亦廢又有定邊砦在三店十溝宋天聖中置

永和砦 西控大硯川北接夏人界宋天禧中置

靈武臺 在縣東北三里舊屬靈武郡寰宇記慶州

有靈武城在馬嶺北卽此今相傳唐肅宗卽位處

覽勝樓 在縣西宋建於環江之涓高峻爽塏

觀兵亭 在縣東六里宋种世衡建古教塲也

通遠亭 在縣東七里宋建爲宦遊迎送之地

紅城兒 在縣北九十里明成化八年重修

### 眞寧縣

長城 在縣東六十里亦秦將蒙恬所築俗謂之蒙

### 恬城

陽周故城 在縣北三十五里一統志秦漢陽周本

屬上郡自後魏重置始屬趙興郡卽今眞寧唐宋

### 甘肅通志

### 卷二十二

古蹟

羌

諸志皆以眞寧爲卽古陽周然以地界考之眞寧

在子午山西其東北爲中部縣乃漢翟道縣屬左

馮翊又北爲漢直路縣屬北地郡又東北至鄜州

始爲漢上郡境陽周旣屬上郡不應跨兩郡越重

山而在眞寧界也據水經注古陽周在走馬水北

應在今延安府安定縣北界眞寧之陽周乃後魏

橋置非故縣也橋山黃帝陵皆當入延安府相傳

### 在眞寧縣誤

秦故道 在縣東元和志在襄樂縣東八十里子午

山始自九原抵雲陽卽此道也縣志在今縣東  
九十里雕嶺上俗名聖人道詳見寧州子午山

羅川故縣

本漢陽周縣地後魏於此置泥陽惠涉

二護軍後復置陽周縣隋開皇十八年改爲羅川  
以羅川水出羅山故名唐天寶元年改爲真寧新  
唐志時於縣獲真人像二十七因改名寰宇記唐  
開元二十三年唐明皇夢羣仙現於羅底乃詔訪  
焉於彭原羅川縣東王村堡底家庄有一老人引  
使者至洞口見一白兔入穴遂掘得二十七仙並

甘肅通志

卷二十二

古蹟

李

玉石之像各題姓名得道去處並老人亦一仙之  
數以應二十八宿仍於本縣置觀曰通聖別塑真  
容改縣爲真寧

要冊靈湫

在縣東六十里顯聖廟後卽橋山之尾

也周一百八十步禽魚不遊萍藻不生水澄碧綠  
旱則不乾澇則不溢旁有龍祠唐開元中建碑刻  
甚多兵革之後存毀殆半

下馬汀

在縣北三十里水濱地曠行者多憩息焉

故名下馬汀

寧州

定安廢縣

今州治後魏置縣取定俗安人爲義唐

置寧州治定安縣五代及宋皆因之元省入州

泥陽故城

在縣東南五十里地理志縣屬北地郡

應劭曰縣在泥水之陽後漢末寄治馮翊此城遂

廢州志有泥陽里卽此

義渠故城

在州西北春秋時爲義渠國秦起兵滅

之始置北地上郡漢置義渠道屬北地郡西魏始

置寧州府志有公劉邑在州治西一里許周之先

甘肅通志

卷二十二

古蹟

空

公劉居此謂之北豳春秋時爲義渠卽此元和志

夏時公劉邑地也後爲義渠國地秦爲北地郡地

大曼故城

在州東南漢志大曼縣屬北地郡顏師

古曰曼古要字金志眞寧縣有要關鎮或以爲卽

古大曼舊志鎮屬寧州久廢

定平廢縣

在州南六十里唐置屬寧州元和志縣

北至州七十里自漢至晉並泥陽縣地後魏至周

並爲定安縣地唐武德二年析置定平縣新唐志

定平縣嘗屬邠州寰宇記周顯德五年還屬寧州

宋又隸邠州元志至元七年併入寧州

襄樂廢縣 在州東北六十里本漢襄洛縣屬上郡  
在今延安府界後魏徙置於此改爲襄樂大統十  
六年置燕州因築此城皆後周廢唐屬寧州金志  
仍屬寧州元志至元七年併入寧州明設巡檢司  
州志舊縣在州東北燕原下今爲襄樂鎮

獨樂故城 在州東南漢置縣屬上郡在今延安府  
界後魏移置於此屬趙興郡後漢晉罷後復尋廢  
安定故城 本名定安金大定七年更名旁有洛水

甘肅通志

卷二十二

古蹟

空

九陵水城在州南六十里政平里明設政平驛并  
遞運所

石鼓坪 在州東六十里襄樂原有石如鼓擊之有  
聲其地腴可田

黃龍亭 舊名高岡亭後漢建武中曹鳳爲北地太  
守政化尤異黃龍應於九里谷之高岡亭角長三  
尺大十圍稍至十餘丈天子嘉之賜帛百疋加秩  
中二千石

交城鎮 金天德二年置又棗社鎮大昌鎮俱金皇

統間置

李思齊城 在州南一里元將李思齊屯兵之處

安定閣 在州西五十里對安定砦分奇挹秀如畫

障然見方輿勝覽崑色濃如黛石可鑄硯宋張舜

民有詩詠之

六君子堂 在州西宋建舊碑毀廢名氏不存明洪

武初知州林善以隋元諧梁毗唐李勣狄仁傑宋

孔道輔李允則六人皆有德於寧州者乃重建堂

祀焉臨海詹鼎作記

甘肅通志

卷二十三

古蹟

三

九龍池 在州東南十里相傳唐狄仁傑爲刺史時

人有賣劍牛者議價間賣者忽失所在仁傑怪之

次日有九小兒擁水泛漲將沒州仁傑使人馳牛

而往斬小兒俱化龍形水遂消州遂保全因此名

池

梁公墮淚碑 狄仁傑爲寧州刺史能撫戎夏郡人

紀之碑及遷豫州會越王亂緣坐七百餘人籍沒

者五千口仁傑密表奏貸流罪人於九原郡道出

寧州父老迎而勞之曰我狄使君活汝耶相攜哭

於碑下三日而去

甘肅通志

卷二十二

古蹟

十四



甘州府

張掖縣

鯨得故城 漢書元狩二年霍去病出隴西涉鈞耆

齊若延遂臻小月支攻祁連山揚武乎鯨得地理

志張掖郡故昆邪王地太初元年開治鯨得縣孟

康曰鯨音鹿按漢書鯨作鯨又作轆德

臨澤故城 在府西北漢置昭武縣屬張掖郡晉志

張掖郡領臨澤縣本漢昭武避景帝諱改名後魏

廢

甘肅通志

卷二十二

古蹟

奎

金澤廢縣 在府南十六國春秋晉建元元年張駿

田於建西踰石縣改踰石為金澤縣呂光麟嘉元

年張掖金澤縣有麟見光以為已瑞改元

臨松故城 在府南魏收志臨松郡領安和平二

縣隋志張掖有臨松縣周廢寰宇記後魏太和中

置臨松郡在臨松山下吐蕃贊普即其郡異稱也

西安廢郡 在府東南十六國春秋段業神璽二年

徙治張掖遂築西安城以臧莫孩為太守尋為呂

纂所敗沮渠蒙遜永安元年為西安太守起兵攻

張掖殺業而代之後魏郡廢

祁連廢縣 在洪水堡南三十里晉志永和中張祚置漢陽縣以守牧地張元靚改爲祁連郡魏書李寶父翻爲祁連晉昌二郡太守尋廢唐開元十六年金吾將軍杜賓客破吐蕃於祁連城下卽故城也胡氏鑑注城在祁連山旁故名

張掖故郡 漢置後魏於張掖郡分置西涼州尋改甘州以西南有甘浚山故名

居延故城 括地志在張掖東北一千五百三十里

甘肅通志

卷二十二

古蹟

突

漢置武帝紀元狩二年霍去病出北地二千餘里過居延太初三年路博德築居延澤上天漢二年李陵出居延至浚稽山地理志居延縣屬張掖郡爲都尉治郡國志張掖居延屬國故郡都尉安帝時別領居延一縣建安末立爲西海郡新唐志張掖河西出合黎山破口旁河東孺屈曲東北行千里有寧寇軍軍東北有居延海元志有亦集乃路在甘州北一千五百里城東北有大澤西北俱接

砂磧乃漢西海郡居延故城夏國嘗立威福軍太

祖二十一年內附至元二十三年立總管府明洪武初馮勝拔肅州進至掃林山亦集乃路卽此

千秋城 萬歲城 二城皆光武時竇融所築

懷城縣 十六國春秋沮渠蒙遜元始八年太史令張衍曰今歲臨澤縣西當有破兵蒙遜遂西誘李歆敗之於懷城歆退走追至臨澤斬之後魏廢

蓼泉城 在府西北九十里祁連山北有建康軍軍西北二十里有蓼泉守捉城

苕藿 在府東十六國春秋禿髮傉檀嘉平四年伐

甘肅通志

卷二十二

古蹟

七

北涼五道俱進至番和苕藿掠五千餘戶而還沮渠蒙遜元始二年西入苕藿遣兵襲卑和烏啼二部五年祀金山西至苕藿復襲卑和一統志謂苕藿在金山之西舊志謂在番和界誤

均石 在府東十六國春秋禿髮傉檀弘昌六年伐沮渠蒙遜於張掖入自西陝蒙遜來拒戰於均石傉檀敗績乃率騎運穀以給西郡復爲蒙遜所敗

胡氏鑑注均石在張掖之東西陝之西蓋西郡界

三門關 在府東十六國春秋呂光龍飛四年遣子

紹纂討段業於張掖及南京救至引還紹欲從三  
門關挾山而東纂曰挾山示弱取敗之道不如結  
陣衝之紹乃引軍而南業案兵不動

留花門山堡 新唐志寧寇軍北三百里有花門山  
堡又東北千里至回鶻牙帳

### 山丹縣

刪丹故城 今縣治漢置屬張掖郡以刪丹山爲名  
元志甘肅行省有山丹縣本刪丹縣元至元六年  
阿只吉行山丹城事刪說爲山

甘肅通志

卷二十二

古蹟

六

日勒故城

在縣東南漢置屬張掖郡郡國志獻帝

分置西郡治日勒縣志云自始臧西北出張掖度

大嶺而西西郡當其要嶺謂刪丹嶺也十六國春

秋蒙遜永安八年敗禿髮儁檀於均石進攻西郡

太守楊統於日勒拔之隋志刪丹有西郡永寧縣

西魏郡廢改縣爲弱水周省入刪丹

屋蘭廢縣

在縣西北漢置屬張掖郡後魏省

氐池廢縣

在縣西南漢置屬張掖郡晉省後復置

十六國春秋禿髮儁檀弘昌五年伐蒙遜次於氐

池蒙遜嬰城固守艾其禾苗至赤泉而還胡氏鑑  
注氏池故城在張掖縣界

仙提廢縣 在縣東晉志西郡又領仙提萬歲蘭池  
三縣舊唐志晉分刪丹置仙提萬歲臨松三縣煬  
帝併入刪丹新志有仙提舖在縣東十里蓋以故  
縣爲名

金山廢縣 在山丹縣西南十六國春秋沮渠蒙遜  
永安十年以從伯羅仇子成都爲金山太守蓋以  
近金山故名後魏省隋志刪丹有周置金山縣尋

甘肅通志

卷二十二

古蹟

充

廢

